



ՄԵԿՆՈՒՄ ՖՐԱՆԿՖՈՒՐՏ

Մայիսի 5-ին, երեքշաբթի օրը, ժամը 14-ին, Վեհափառ Հայրապետը, ուղեկցությամբ Իր շքախմբի, Մյունխենից օդանավով մեկնում է Ֆրանկֆուրտ:

Օդակայանում Վեհափառ Հայրապետին բարի ճանապարհ մաղթելու էին եկել եկեղեցական վարչության և համայնքային այլ կազմակերպությունների անդամները, քույր Եկեղեցիների ներկայացուցիչներ և բազմաթիվ մյունխենահայեր:

Ժամը 15-ին օդանավը վայրէջք է կատարում Մայնի Ֆրանկֆուրտում:

Օդակայանում Վեհափառ Հայրապետին դիմավորելու էին եկել Ս. Արիս եպս. Շիրվանյանը, Ս. Հակոբ վրդ. Գրընճյանը, համայնքային վարչության անդամները՝ գլխավորությամբ պատվո ատենապետ Խաչիկ Յաղջյանի և ատենապետ Կարպիս Բոյաջյանի, մշակութային վարչության անդամները և բազում ֆրանկֆուրտահայեր:

Այստեղ Վեհափառ Հայրապետի ժամանումը ողջունելու էին եկել նաև կաթոլիկ Եկեղեցու ներկայացուցիչ պրոֆ., դոկտ. Գրիմայերը, լութերական Եկեղեցու ներկայացուցիչ դոկտ. Օմերը և քույր Եկեղեցիների այլ ներկայացուցիչներ:

Օդակայանի ասուլիսի սրահում Վեհափառ Հայրապետին ողջված ողջույնի և բարիգալստյան հետևյալ խոսքն է արտասանում Ս. Հակոբ վրդ. Գրընճյանը.

«Վեհափառ Տեր,

Անսահման է այս պահին մեր ուրախությունը, քանի որ Դուք, որպես Ամենայն Հայոց Հայրապետ, հաճեցիք այցելել Հեւրնի մեր փոքրիկ համայնք՝ միխթարելու մեզ այս օտարության մեջ և մի անգամ ևս ապահովելու, թե մենք այստեղ լքված մի հոտ չենք, այլ հարազատ զավակները հայության և նրա Սրբություն Սրբոց աստվածախորհուրդ էջմիածնի:

Դուք, որպես արժանավոր հաջորդ Թադեոս և Բարթողիմեոս առաքյալների, ահափասիկ 25 տարիներից ավելի Ձեր անձնվեր գործունեությամբ սիրելի դարձաք թե՛ հայրենիքի և թե՛ սփյուռքի հայությանը՝ տալով մեզ քաջ հաշի և անձնդիր հովվի կենդանի օրինակ: Արդեն վաղուց է, որ Ձեր ազգաշեն ջանքերի արդյունքը Ձեր փառքի վեհության խոսուն վկան է դարձել:

Դուք մեր մեջ եք այսօր, Դուք, որ գալիս եք հայրենյաց հողից, որ մեր նահատակների արյամբ է սրբազործված, Դուք, որ քերում եք մեզ աստվածադրոշմ հավերժական հետքեր կրող Ս. Էջմիածնի բույրը, Դուք, որ մեր հայրենիքի մեջ ապրող մեր եղբայրների հայկական շունչն էլ քերում եք մեզ՝ կարող եք երևակայել այս իսկ պատճառով, թե ի՞նչ մեծ նշանակություն ունի այսօր Ձեր ներկայությունը այստեղ, մանավանդ որ մեր համայնքի անդամների մեծամասնությունը արևմտյան բռնագրավված Հայաստանի վտարանդի և իրավազրկված քեկորներից է կազմված:

Երախտապարտ մնալու համար Ձերո՞րդ Սրբության կողմից մեզ շնորհված պատվին՝ լավագույնը պետք է լինի մի անգամ ևս Ձեր ստաջ նորոգել մեր հավատարմության ուխտը հայրենիքի և Ս. Էջմիածնի նկատմամբ:

Մեր ողջ ջանքերն ու հոգնությունները Ձերո՞րդ Սրբության այցելության հետ առնչված հարցերը մեր ուժերի ներածին չափով լավագույնս կարգադրելու համար ոչինչ է երևում մեր աչքին, քանի որ, Ավետարանի խոսքերի համաձայն՝ միայն «զոր ինչ պարտ էր մեզ առնել արարաք»:

Երկար ապրեք, Վեհափառ Տեր:

Երկնավոր Թագավոր, անասուն պահիր մեր Ս. Եկեղեցին:

Այնուհետև Վեհափառ Հայրապետի ժամանումը ողջունում են եկեղեցական վարչության ատենապետ Կարպիս Բոյաջյանը, մշակութային միության ատենապետ Պետրոս Չաքրըյանը և ուրիշներ:

Ապա Հայոց Հայրապետի հետ հարցազրույց են ունենում հեռուստատեսության, ռադիոյի և թերթերի մի շարք թղթակիցներ:

Շուրջ 45 րոպե տևող հարցազրույցից հետո Նորին Սրբությունը ստաջնորդվում է Ֆրանկֆորտի «Քրեստ» հյուրանոց:

•
•

Նույն օրը, երեկոյան ժամը 19-ին, Հայոց Հայրապետը հյուրը եղավ Ֆրանկֆորտի Հիսուսյանների Ս. Գևորգ դպրեվանքի, ուսանողության և դասախոսական կազմի, որտեղ կազմակերպվել էր հատուկ ընդունելություն՝ ի պատիվ Նորին Սրբության:

Դպրեվանքի սեղանատանը տրված ճաշկերույթի ժամանակ Հայոց Հայրապետին ողջունում են ճեմարանի տեսուչ դոկտ. Լյուդվիգ Բերչը և վանահայր պրոֆ., դոկտ. Գրիմայերը:

Այնուհետև, վանքի մատուռի մեջ տեղի ունեցող Էկումենիկ աղոթքից հետո, քարոզ է խոսում Հայոց Հայրապետը՝ Իր խոսքը ուղղելով հատկապես ներկա շուրջ հարյուր հիսուն ուսանողներին:

Վանքի շրջափակին ծանոթանալուց հետո ճեմարանի տեսուչ դոկտ. Լյուդվիգ Բերչը իր տեսչարանում մտերիմ զրույց է ունենում Հայոց Հայրապետի հետ, որի ընթացքում Հայոց Հայրապետը ծանոթանում է տեղի ճեմարանի ուսումնադաստիարակչական ծրագրերի և աշխատանքային մեթոդների հետ:

Հայոց Հայրապետը Ս. Էջմիածնի հոգևոր ճեմարանի մասին նույնպես տեղեկություններ է հաղորդում տեսուչ դոկտ. Լ. Բերչին:

դ) Հայ Եկեղեցու մասնակցությունը Էկումենիկ շարժմանը.

և) Հայ Եկեղեցու մասնակցությունը աշխարհի խաղաղության շարժմանը.

Ժամը 13-ին լուսերական Եկեղեցու պետ դոկտ. Հիլդը «Հեսիշե Հոֆ» հյուրանոցի ռեստորանում կազմակերպում է ընդունելություն՝ ի պատիվ Հայոց Հայրապետի:

Ընդունելությանը ներկա են լինում նաև լուսերական և կաթոլիկ Եկեղեցիների ներկայացուցիչներ:

Սեղանի շուրջ Հայոց Հայրապետի և լուսերական Եկեղեցու նախագահ դոկտ. Հիլդի միջև փոխանակվում են ողջույնի ու քարեմաղթության ճառեր և հուշանվերներ:

ԼՈՒԹԵՐԱԿԱՆ ԵԿԵՂԵՑՈՒ ԱՐՏԱՔԻՆ ՀԱՐԱՔԵՐՈՒԹՅՈՒՆՆԵՐԻ ԿԵՆՏՐՈՆԸ ՄԵԾԱՐՈՒՄ Է ՀԱՅՈՑ ՀԱՅՐԱՊԵՏԻՆ

Ժամը 15-ին լուսերական Եկեղեցու արտաքին հարաբերությունների կենտրոնը իր սրահում, ի պատիվ Հայոց Հայրապետի, կազմակերպում է ընդունելություն, որին ներկա են լինում նաև հիշյալ կազմակերպության անդամներն ու քույր Եկեղեցիների ներկայացուցիչները:

Ընդունելության ժամանակ, որի հիմնական նյութը Էկումենիկ հարցերն էին, խոսում են արտաքին հարաբերությունների կենտրոնի փոխպրեզիդենտ դոկտ. Կոխը, արևելյան Եկեղեցիների բաժնի քարտուղար դոկտ. Միքշիլը և ուրիշներ:

Վերջում Իր օրհնության խոսքն է ասում Հայոց Հայրապետը և պատասխանում տրված մի շարք հարցերին:

*
*
*

Նույն օրը, երեկոյան ժամը 20-ին, ֆրանկֆուրտաբնակ Գյուրելյան եղբայրները սեփական «Անդրե» հյուրանոցի ճաշասրահում, ի պատիվ Վեհափառ Հայրապետի, կազմակերպում են ճաշկերույթ, որին ներկա են լինում շուրջ քսանհինգ հրավիրյալներ:

ԸՆԴՈՒՆԵԼՈՒԹՅՈՒՆ ՔԱՂԱՔԱՊԵՏԱՐԱՆՈՒՄ

Մայիսի 7-ին, հինգշաբթի օրը, առավոտյան ժամը 11-ին, Հայոց Հայրապետը պաշտոնական այցելություն է տալիս Ֆրանկֆուրտի քաղաքապետարան, որտեղ Նորին Սրբությանն ընդունում է փոխքաղաքապետ և ֆինանսների մինիստր դոկտ. Գերհարդը:

Հայոց Հայրապետի և հարգարժան պարոն մինիստրի միջև տեղի է ունենում ջերմ գրույց, որից հետո, ժամը 12-ին, քաղաքապետարանը «Ֆրանկֆուրտեր Հոֆ» հյուրանոցի ճաշասրահում կազմակերպում է ընդունելություն՝ ի պատիվ Հայոց Հայրապետի:

Ընդունելությունն անցնում է ջերմ և քարեկամական մթնոլորտում:

*
*
*

Նույն օրը, ժամը 14-ին, Վեհափառ Հայրապետը այցելում է գերմանացի մեծ քանաստեղծ Գյոթեի տուն-թանգարան:



ՀԱՅՈՑ ՀԱՅՐԱՊԵՏԻՆ ԸՆԴՈՒՆՈՒՄ Է ՀԵՄԻՆ-ՆԱՍԱՌԻ ՆԱՀԱՆԳԻ ՖԻՆԱՆՍՆԵՐԻ
ՄԻՆԻՍՏՐ ԴՈԿՏ ԳԵՐՀԱՐԴԸ, ՔԱՂԱՔԱՊԵՏԱՐԱՆԻ ՇԵՆՔՈՒՄ. ՖՐԱՆԿՅՈՒՐՏ

ՀԱՅԿԱԿԱՆ Ս. ՊԱՏԱՐԱԳ ԵՎ ՀԱՅՐԱՊԵՏԱԿԱՆ ՔԱՐՈՋ

Երեկոյան ժամը 17-ին Հանաուի կաթոլիկ Ս. Մարիամ Աստվածածին եկեղեցում, Վեհափառ Հայրապետի նախագահությամբ, մատուցվում է ս. պատարագ:

Պատարագիչն է Ծիրակի թեմի առաջնորդ Ս. Նարեկ եպս. Ծաքարյանը:

Ս. պատարագին ներկա են լինում հարյուրավոր հայ հավատացյալներ և քույր Եկեղեցիների ներկայացուցիչներ:

«Հայր մեր»-ից առաջ քարոզ է խոսում Վեհափառ Հայրապետը՝ նշելով, որ Քրիստոսի Հարության ավետիսը մեր հավատքն է, մեր ուրախությունը և փրկության ճանապարհը: Քրիստոնեական եկեղեցին հիմնված է Քրիստոսի Հարության այն հավատքի վեմի վրա, որ բաց է անում հորիզոնը հավիտենական կյանքի, որի ծարավը ունեն բոլոր դարերի բոլոր հավատացյալ հոգիները:

ՀԱՄԱՅՆՔԱՅԻՆ ԺԱՇԿԵՐՈՒԹԹ՝ Ի ՊԱՏԻՎ ՎԵՀԱՓԱՌ ՀԱՅՐԱՊԵՏԻ

Նույն օրը, ժամը 20-ին, Հեղճի նահանգի համայնքային վարչությունը կազմակերպում է ողջերթի ընթրիք՝ ի պատիվ Վեհափառ Հայրապետի: Ընթրիքին ներկա էին շուրջ երկու հարյուր հայ և օտար հրավիրյալներ:

Սեղանի շուրջ Վեհափառ Հայրապետին ողջունում են Ս. Մեսրոպ Ծ. վրդ. Գրիգորյանը, համայնքային վարչության առեկնապետ Կարայիս Բոյաջյանը, Հայ-Գերմանական միության ներկայացուցիչ Արա Բերքյանը, գերմանախոս երկրների հայ միությունների նախագահ դոկտ. Ծավարշ Հովասարյանը, Ֆրանկֆուրտի լուսերական եկեղեցու արտաքին հարաբերությունների բաժնի ներկայացուցիչ դոկտ. Միքշհը և ուրիշներ:

Այնուհետև իր «Առ առաքելաշնորհ Գահակալն» բանաստեղծությունն է կարդում օրհորդ Քրիստին Ավգերովույանը:

ԱՌ ԱՌԱՔԵԼԱՇՆՈՐՀ ԳԱՀԱԿԱԿԱՆ ՄԱՅՐ ԱԹՈՌԻ
ԱՄԵՆԱՊԱՏԻՎ ԿԱԹՈՂԻԿՈՍ ՎԱԶԳԵՆ Ա
ԱՄԵՆԱՅՆ ՀԱՅՈՑ ՀԱՅՐԱՊԵՏԻՆ

Արշալույս հուր, լուսազգեստ զվարթուն,
Օր ցնծության, պատգամաբեր ոսկեխույր,
Տաճարներու երգ ու օրհնանք խնկաբույր
Կբարձրանան ահա երկինք աստղերուն:

Հայացք հեքոտ Այրարատյան աշխարհեն
Ակնկառույց սփյուռքն համայն կղիտեն:
Սրտեր վերքոտ խոր հրճվանքով հիասթափ
Կողջագուրվին սիրով արբշիռ հարազատ:

Թնդան, դղրդին խինդ ու ծիծաղ որդվոցդ, Հայր.
Տարիներու երկար իղձ ու խունկ, Վեհափառ,
Ջերդ սրբանվեր սոսիներու ատրուշան
Սրտերնուն մեջն է բունկեր բոց, սիրո նշան:

Ահա ոտիցդ առջև, ժիր, կույս սրտերու
Երախայրիքն բերեր ենք Ձեզ մենք ի ձոն,
Աղոթք, մրմունջք, ինչպես վարդեր լուսաբորբ
Բոլորվեր են հյուսկեն-հյուսկեն Վեհիդ շուրջ:

Ո՛հ, համակ շունչ, կյանք են ատոնք սիրասուն,
Խունկը բուրյան Աստվածամոր խորանին,
Ծիլն ու ծաղիկը արցունքներու սրտաբուխ՝
Կոտ հավատքի վառ հույսերով ակաղծուն:

Օրհնե՛ք զանոնք, Հայր, աջիդ սուրբ օրհնանքին
Կարոտն ունին, մյուտոնաբույր Վեհափառ,
Սրտերով քույս ու սիրակեզ հրճվագին
Մաղթեն, կեցցեք, կեցցեք տարիներ երկար:

Վերջում օրհնության խոսքով հանդես է գալիս Վեհափառ Հայրապետը:

ՎԵՀԱՓԱՌԻ ՀԱՅՐԱՊԵՏԻ ՕՐՀՆՈՒԹՅԱՆ ԽՈՍՔԸ
ՀԵՍԸՆԻ ՆԱՀԱՆԳԻ ՀԱՄԱՅՆՔԱՅԻՆ ՃԱՇԿԵՐՈՒՅԹԻՆ
(7 մայիսի 1981 թ.)

Սբ. պատարագեն հետո ես կրկին ուրախ եմ ձեր մեջը գտնվելու այս սիրո սեղանին: Սիրո սեղանն այլ, տեսակ մը, սբ. պատարագի շարունակությունն է, քրիստոնեական ըմբռնումով: Ահավասիկ, վերջին պահերը կապրինք, դուք և ես միասին, որովհետև քանի մը ժամեն ես պետք է շարունակեմ իմ ճանապարհորդությունը դեպի Ֆրանսիա: Մեկնելն առաջ կըրկին անգամ կուգեմ իմ օրհնությունը բաշխել ամենքիդ: Կուգեմ նաև իմ գնահատանքի խոսքը ուղղել այստեղի Եկեղեցական Վարչության, որի ատենապետը ժրաջան և բարեպաշտ տիար Բոյաջյանն է: Իմ գնահատանքի խոսքը նաև մյուս միություններուն, որոնց ներկայացուցիչները քիչ առաջ խոսք առին: Ծառ լավ է, որ հայ կյանքը հետզհետե կազմակերպված է այստեղ, Եկեղեցին բոլորինն է: Բոլորդ Եկեղեցիին մեջ եք, բոլորդ հալկական կյանքի մեջ եք: Ինչպես ամեն գաղութներու մեջ, կան և պետք է ըլլան նաև մշակութային կամ հասարակական այլ կազմակերպություններ, ամեն մեկը իր ծրագրով, իր նպատակներով, սակայն Եկեղեցին բոլորինն է, հավասարապես և բոլորը առանց բացառության զավակներն են Հայ Առաքելական Եկեղեցիին: Եվ բոլորիդ նպատակը, անշուշտ, մեկ է, այն է՝ պահել-պահպանել հայությունը իր քրիստոնեական հավատքով, իր ազգային ավանդություններով, իր հալկական դիմագծությամբ և մայրենի լեզվով: Մեր Եկեղեցին մեզի համար Աստուծո՛ւն պարզեցված սրբազան հաստատություն մըն է, որուն մեջ կենդանի կպահվի մեր ազգի հոգին, մեր ազգի ոգեկանությունը:

Հիմնդրորդ դարուն, 451 թվականին, երբ հազիվ հարյուր հիսուն տարիներ անցած էին այն օրեն, երբ քրիստոնեությունը արմատ ձգած էր մեր ազգի հոգիի մեջ, պարսիկները Հայաստանի վրա հարձակեցան մեկ նպատակ ունենալով՝ քրիստոնեական հավատքի արմատները դուրս պոկելու հայ ժողովրդի սրտեն:

Հայ իշխանները հայոց կաթողիկոսի նախագահությամբ ժողով գումարեցին և պատասխանեցին՝ Ոչ: Անոնք ոխտեցին հավատարիմ մնալ մեր քրիստոնեական հավատքին:

Այսպիսով Վարդանանց պատերազմը սկսավ Ավարայրի դաշտի վրա «Վասն հավատոյ և վասն հայրենեաց»: Ուրեմն տակավին հինգերորդ դարեն սկսյալ հայ ազգը իր ճակատագիրը անբաժանորեն կապած է իր հավատքին, իր Եկեղեցիին և իր հայրենիքին հետ: Մեր սուրբ Եկեղեցին ազգային է, մեր քրիստոնեական հավատքը անհայրենիք չէ: Ժողովուրդ, քրիստոնեական հավատք, մայր հայրենիք մեկ ամբողջություն կկազմեն: Այսպես ապրած ենք մենք հազար յոթ հարյուր տարիներն ի վեր, մինչև այսօր: Այդ ճանապարհով՝ ալ պիտի առաջ ընթանանք մահ հետապստ:

Այսօր մեր առջև սբ. նպատակներ ունինք, մեր ազգը պահպանելու ամբողջ և անաղարտ և անբաժան իր բուն հայկական քրիստոնեական դիմագծով: Եվ տակավին մենք սպասելիքներ ունինք՝ ազգային երազանքները, որոնք ապագային անպայման պետք է արդարությամբ իրականանան:

Ահավասիկ մեր Եկեղեցվո առաքելությունը այսօրվան աշխարհի մեջ: Խորապես շնորհակալ եմ ձեր այս խանդավառ ընդունելություններեն թե Մյունխեն, և թե՛ այստեղ: Մենք երբեք չպիտի մոռնանք ձեզ, մենք երբեք չպիտի մոռնանք ձեր որդիական ջերմությունը, ձեր հավատարմությունը Մայր Աթոռ Սուրբ Էջմիածնի հանդեպ: Զեզմե կբաժանվինք բոլորիդ բաշխելով Մեր հայրական սերը, Մեր շնորհակալությունը և Մեր օրհնությունը:

«Շնորհք և խաղաղություն ընդ ձեզ». ամեն:

